

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

090

主編

吳海鷹

吳建偉

雷興魁

雷曉靜

回族典藏全書

090

甘肅文化出版社
寧夏人民出版社

寧夏回族自治區人民政府

資助

寧夏社會科學院

主辦

寧夏少數民族古籍整理
出版規劃領導小組辦公室

編輯

第九十冊

目錄

馮少墟集(卷一——卷三)

清手抄本

明·馮從吾

.....

一

【回族典藏全書】




回族典藏全書

文獻名
作者
馮少墟集
本
明·馮從吾
清手抄本

政史類

馮少墟集



文獻名 馮少墟集
作者 明·馮從吾
版本 清手抄本

欽定四庫全書

集部
少墟集卷一

文獻名 馮少墟集
作者 明·馮從吾
版本 清手抄本

詳校官監察御史臣曹錫寶
侍讀臣孫球覆勘

總校官檢討臣

何思鈞

校對官中書臣

李斯咏

謄錄監生臣

汪大梓

文獻名 馮少墟集
作者 明·馮從吾
版本 清手抄本

欽定四庫全書

集部六

馮少墟集


別集類五明

提要

臣等謹案馮少墟集二十二卷明馮從吾撰
從吾有元儒考略已著錄其文集初刻止于
萬厯壬子此本乃其次子嘉年並以癸丑以
後至天啟辛酉作類序重刻自卷一至卷十
二皆語錄卷十三至卷十八皆詩文卷十九

至卷二十為族譜家乘卷二十一至卷二十二為關學編蓋生平著作彙于此集其中講學之作主於明理論事之作主于達意不復以辭采為工然有物之言篤實切明雖字句間涉俚俗固不以弇陋譏也惟其與朱童蒙爭論首善書院講學一疏稱宋之不競以禁講學故非以講學故也先臣守仁當兵事倥偬不廢講學卒成大功此臣之所以不恤毀

文獻名
馮少墟集
作者
明·馮從吾
版本
清手抄本



文獻名 馮少墟集
作者 明·馮從吾
版本 清手抄本

譽而為此也又郭元厚郭興治等劾鄒元標
從吾又上疏力爭稱京師講學昔已有之云
云其說頗為固執夫士大夫自甲科通籍於
聖賢大義不患不知顧實踐何如耳不在乎
聚而講也維古極盛之治有臯夔稷契亦越
小康之世有房杜王魏韓范富歐陽亦何嘗
招百司執事環坐而談心性哉無故而舍其
職司呼朋引類使其中為君子者授人以攻

擊之間為小人者借此為攀附之途黨禍之興未必非賢者開門而揖盜也至於謂宋之不競由禁講學尤為牽合考宋之黨禁始于寧宗慶元二年八月弛于嘉泰二年二月中間不過六七年耳至於寶慶以後周程張邵並從祀孔子廟庭紫陽東萊之流並邀褒贈理宗得謚為理實由於是蓋道學大盛者四五十年而宋乃亡馬史傳具存可以覆按安

文獻名 馮少墟集
作者 明·馮從吾
版本 清手抄本

文獻名 馮少墟集
作者 明·馮從吾
版本 清手抄本

得以德祐之禍歸咎於慶元之禁乎從吾初
為御史拒絕閹人劾罷胡汝寧禁大計苞苴
又上疏諫神宗不親政事幾遭危禍後廷議
三案亦特正不阿卓然不愧為名臣惟此兩
疏意雖善而未計其流弊故附糾其失俾來
者無惑焉乾隆四十七年二月恭校上

總纂官臣紀昀陸錫熊臣孫士毅

總校官臣陸費墀

欽定四庫全書

少墟集卷一

明 馮從吾 撰

語錄

辨學錄原序

心學之傳始自虞廷而其言曰人心惟危道心惟微惟
精惟一允執厥中十六字言本體辨析至精言工夫條
理極密萬世道學之宗統於是矣後世學者寢失其宗
欽定四庫全書

文獻名馮少墟集
作者明·馮從吾
版本清手抄本

文獻名 馮少墟集
作者 明·馮從吾
版本 清手抄本

不知中之所在而概以心當之於是以覺言道而不以
所覺之理言道其言蓋淫於佛氏空覺極圓之說以無
善為心體以天生蒸民本有之性悉掃而空之其弊至
於率天下之人恣情縱欲流於小人之無忌憚而猶自
以為無礙也聖學之蓁蕪可勝慨哉少墟馮公潛心理
學積有歲年精一之功入於無間近得其所與諸門人
辨學錄讀之直指心之理為道心以心之覺為人心道
心非無覺以覺之正當處言也為書八十一章闡性命

之秘辨似是之非如所云吾儒之旨只在善之一字佛氏之旨只在無善二字又曰儒學只有一箇善字直從源頭說到究竟更無兩樣故易曰繼善顏曰一善曾曰至善思曰明善孟曰性善又曰孳孳為善善總是一箇善為總是一箇為非善與利之間復有無善之善嗚呼盡之矣善即理也即道也即中也精乎此謂之惟精一乎此謂之惟一執乎此謂之執中以之為君謂之仁以之為臣謂之敬以之為子謂之孝以之為父謂之慈以

文獻名
馮少墟集
作者
明·馮從吾
版本
清手抄本